

Nº 2189 a)

SEMINARIO DE ESTUDOS GALEGOS.
SEZIÓN DE CIENCIAS SOCIALES, JURÍDICAS I-ECONÓMICAS.

ANTEPROYEITO
DE
ESTATUTO DA GALIZA.

REAL ACADEMIA
GALEGA
A CORUÑA

F 4541

Biblioteca

SANTIAGO DE COMPOSTELA. 1931.

ANTEPROYEITO DE ESTATUTO DA GALIZA

Elaborado pol-a Seizón de Cencias Sociaes, Jurídicas I-Económicas do Seminario de Estudos Galegos, pra presentar na Asambreia galeguista da Cruña.

SANT-IAGO DE COMPOSTELA. 1931.

ANTEPROYEITO DE ESTATUTO DA GALIZA.

TÍDUO I.

Do Estado, territorio e cibdadáns da Galiza.

- Art. 1º. A Galiza é un Estado libre drento da Repúbrica Federal Española.
- Art. 2º. As linguas oficiaes no Estado Galego son, indistintamente, a galega e a castelá.
Non poderán desempeñar na Galiza cárregos públicos os que non coñezan a língua galega.
- Art. 3º. As côres nacionaes da Galiza son branco-azul.
- Art. 4º. O territorio da Galiza comprende as antigas catro provinzas da Cruña, Lugo, Pontevedra e Ourense.
- Art. 5º. Poderáse agregar ó territorio da Galiza calquera outro colindante, por acordo dos dous tercios dos seus eleitores, aprobado pol-a Asambreia do Estado galego e a legislatura a que estivere sometido o territorio en custión; todo isto cô refrendo do Poder federal.

O plebiscito a que se refire o primeiro párrafo d'iste artigo terá lugar por iniciativa do Consello do Estado galego ou da vixésima parte dos eleitores do país que se trata d'anexar.

Art. 6º. Serán galegos:

- a) os fillos de galegos nados no territorio do Estado galego.
- b) os fillos de pai ou nai galegos, inda que nazan fora, sempre qu'isa sexa a súa vontade. Namentral-os fillos sexan menores, enténdese coma vontade súa a do seu representante legal.
- c) os que non sexan originariamente galegos, gañen viciñanza en calquera lugar da Galiza.

Art. 7º. Os que non sexan galegos fican sujeitos polos bens raíces e dereitos civís que drento da Galiza lles correspondan ás disposizóns vixentes no Estado galego. Respeito ós bens mobles rixe a lei personal do dono.

As leises e disposizóns do Estado galego regrán a forma dos actos jurídicos realizados drento do territorio galego que sexan autorizados por autoridades ou funcionarios do Estado galego.

Art. 8º. Os dereitos fundamentaes dos galegos serán os que se determinen pra todolos españoles na Constitución do Estado federal español.

TÍDUO II.

Dos poderes do Estado galego.

- Art. 9º. Os poderes do Estado galego corresponden ó pobo da Galiza.
- Estes poderes son exercidos pol-o Corpo eleitoral, a Asambreia e o Consello da Galiza.
- Art. 10. Compoñen o corpo eleitoral todol-os galegos, homes e mulleres, que teñan mais de 21 anos, coas escepcións que as leises asiñalen.
- Art. 11. O Corpo eleitoral exerce o seu poder:
- a) pol-as eleizóns.
 - b) pol-o referendum e a iniciativa popular.
- Art. 12. O sufragio será igual, directo, segredo e segundo un sistema de representazón proporcional.
- Art. 13. A Asambreia do Estado galego estará formada pol-os diputados nomeados pol-os eleitores galegos, na proporción que determina a lei orgánica, atendendo ó número de votantes efectivos.
- Art. 14. Son eligibles pra a Asambreia, como pra as demás corporazóns púbricas da Galiza, os galegos, homes e mulleres, maiores de 23 anos, que rendan unha función util pra a coleitividade, salvo as escepcións que as leises asiñalen.
- Art. 15. A renovazón dos membros da Asambreia terá lugar por totalidade cada catro anos.

- Art. 16.** A Asambreia funcionará con continuidade, nos días que determiníñe a lei orgánica, e coas vacacións que ista mesma a siñale.
- Art. 17.** A Asambreia compete legislar sobre das materias atribuídas por iste Estatuto ó Poder galego.
- Art. 18.** Os diputados da Asambreia gozarán de inviolabilidade parlamentaria, e non poderán outer, naméntras dure o seu mandato, outros cárregos púbricos retribuídos que os de membros do Consello.
- Art. 19.** Toda lei votada pol-a Asambreia será sometida a referendum si, drento dos trinta días seguintes á sua votación, pídeno eisí cinco mil eleitores.
Un proyeito de lei artigoado, presentado á Asambreia coa firma de 10.000 eleitores, obriga a ista a deliberar sobr'il no prazo d'un ano. O acordo someteráse a referendum.
- Art. 20.** O Consello da Galiza estará formado pol-os conselleiros nomeados antr'os seus membros pol-a Asambreia, no número que determiníñe a correspondente lei orgánica. Cada conselleiro será jefe d'un departamento da Adeministración galega.
- Art. 21.** O Consello desíñará antr'os seus membros o presidente, cuias funcións, como tal, durarán un ano.
O presidente do Consello terá a suprema representazón do Poder galego e presidirá as sesións do Consello, dirigendo os debates e tendo voto de calidade en caso de empate.

Art. 22. Actuará o Consello dende a sua eleición deica a primeira sesión da legislatura seguinte a aquela en que foi elexido.

O Consello cesará nas suas funcións automáticamente por un voto de desconfianza aprobado pol-a maoría absoluta dos membros da Asambreia.

Art. 23. O cárrego de conselleiro será retribuido e vountario.

Art. 24. Competen ó Consello as seguintes atribucións:

- a) executar as leises votadas na Asambreia.
- b) dirixir a gestión dos servizos púbricos do Estado galego.
- c) convocal-a Asambreia e disolvela cando fine o prazo da sua durazón, con arreglo ás leises.
- d) actuar nas relazóns cô Poder federal, coma representante do Poder galego.

Art. 25. A responsabilidade criminal dos conselleiros por delitos comúns cometidos namentres estean ocupando os seus cárregos, ora sexa no exercicio das suas funcións ou fora d'elas, faráse efectiva, previa autorizazón da Asambreia, ant'o mais outo Tribunal de Justiza do Estado galego.

Art. 26. Contr'as resoluzóns dos poderes galegos nas materias atribuídas á sua potestade, non poderá interporse recurso ante o Poder central.

Art. 27. Si os poderes galegos invaden os límites das atri-

buzóns do Poder federal ou de calquera outro federado, corresponderá ó Poder federal declaral-a nulidade dos acordos que constituian a estralimitazón.

Art. 28. Contra as resoluzóns das autoridades galegas que infrinxan as regras que delimitan as súas facultades, e non estean comprendidas no artigo anterior, caberá recurso ant'os tribunaes ademanistrativos da Galiza.

TÍDUO III.

Da esfera das atribuzóns e obrigas do Estado galego.

Art. 29. Corresponden ó Estado galego as seguintes esferas de competenza:

- a) Régime tributario, agás o imposto d'aduanas. O establecemento das tarifas arancelarias verificaráse por acordo antr'os poderes federal e galego.
- b) Orgaizazón local.
- c) Ademanistrazón da Justiza.
- d) Mando das forzas da policía, cuia orgaizazón corre a càrrego do Poder Central.
- e) Débeda pùbrica.
- f) Política social, sin perjuizo dos compromisos gêraes.
- g) O insiño en todol-os seus grados.

- h)* Camiños de ferro, estradas e tráfico marítimo de interés predomíñantemente galego.
- i)* Réxime dos institutos de Banca e Creto.
- j)* Dominio púbrico.
- k)* Beneficenza.
- l)* Sanidade.
- ll)* Regramentazón d'espeitagos e xogos.
- m)* Estabelecimentos penitenciarios.
- n)* Lexislazón civil.

Art. 30. Son obrigas do Estado galego, ademáis das contidas n-outros artigos d'iste Estatuto:

- a)* sometérese ás normas geraes que dicte o Estado federal drento das suas atribuzóns.
- b)* garantizar o traballo a todolos cibdadáns, segundo as suas condizóns e as suas necesidades, con arreglo ás eisixenzas da justiza social.
- c)* regular a propiedade rural de xeito que veña a ficar ceibe de toda cárrrega pra o que a traballa.
- d)* proporcionar a todolos cibdadans os medios necesarios pra o seu preno desenrollo espritoal.
- e)* protexer todalas manifestazóns da cultura galega.

TÍDUO IV.

Do régime local.

Art. 31. A orgaizazón local faráse a base de concellos nas vilas e de parroquias e agrupazóns de parroquias no agro.

A estroiturazón local da Galiza será materia de lei.

TÍDUO V.

Da facenda.

Art. 32. A Asambreia votará cada ano o presuposto do Estado galego, a proposta do Consello.

Art. 33. O Estado galego contribuirá ás carregas da Federación española coa cantidade que determiné a lei de presupostos gêraes do Estado español.

Ista cantidade constituirá a primeira partida de gastos do presuposto do Estado galego.

Art. 34. Eisistirá un imposto directo único que gravará as rendas, cun gravámen maior pra as rendas que proveñan do capital que pra as que procedan do traballo, i-eisimindo d'imposto as rendas do traballo menores da cantidade que a lei correspondente determiné.

- Art. 35. Haberá ademáis os impostos indirectos que se establezan con arregro ás leises.
- Art. 36. Sòmente se poderá facer apelazón ó creto púbrico por medio d'unha lei.
As entidades locaes poderán apelar ó creto d'acordo coas leises.

TÍDUO VI.

Da reforma d'iste Estatuto.

- Art. 37. A iniciativa de reforma d'iste Estatuto requerirá as mesmas condizóns que a iniciativa d'unha lei ordinaria.
- Art. 38. Pra qu'un proyeito de reforma d'iste Estatuto sexa aprobado, é mester o voto favorabre dos tres cartos dos membros da Asambreia e a aceptazón pol-o corpo eleitoral, manifesta en referendum.

TÍDUO VII.

Disposizóns transitorias.

- Art. 39. Ó entrare en vixenza iste Estatuto, consideraránse galegos todol-os que vivan na Galiza sexan fillos de pai ou nai nados na Galiza, e os que vivendo na Galiza e non sendo fillos de galegos, manifesten que atal é o seu desexo.

Os fillos de galegos nados fora da Galiza consideraránse tamén galegos si eisí o solicitan.

- Art. 40. Os funcionarios que, ó tempo de entrar en vixenza iste Estatuto, exerzan as suas funcións na Galiza, conservarán os seus cárregos axeitados á nova estroiturazón ademinsistrativa, sempre que sexan galegos, segundo o art. 39, e reúnan os demais requisitos que se eisixen.
- Art. 41. Determiñaráse mediante convenio antre o Estado español e o Estado galego a parte que a íste debe corresponder da actual débeda púbrica do Estado español.
-

Imprentóuse na Imp. Paredes
de Compostela o 6
de Maio do
1931